

謚法通考

謚法通考卷之四

雲間王 圻編輯

巴郡趙可懷校正

平湖孫成泰 郢中朱

龍江王應麟 西陵吳

東漢帝后謚

世祖光武皇帝名秀字文叔南陽蔡陽人父南頓令  
欽帝以莽地皇三年起兵建武元年卽位中元二年  
崩年六十二謚光武 陰皇后諱麗華南陽新野人

父陸母鄧氏后初爲貴人以郭后廢而立。在位二十四年。年六十。謚光烈。

丘氏瓊山曰。自古后無謚。皆從其主之謚。後世后有謚。始於此。然惟用烈之一字。所謂光者。仍用帝謚也。其後如明德和熹之類。皆然後世乃用二字四字者。始去其主之謚。而專稱焉。失婦人從夫之義矣。

顯宗孝明皇帝名莊。光武第四子。母光烈皇后。中元二年。卽位。永平十八年崩。年四十八。謚孝明。馬皇

后伏波將軍小女母厲夫人后初爲貴人後正位在位二十三年年四十謚明德

肅宗孝章皇帝名烜顯宗第五子永平十八年卽位章和二年崩年三十三謚孝章 竇皇后扶風平陵人大司徒融之曾孫父勲初以選入掖庭後正位在位十八年謚章德 梁皇后竦之女初爲貴人生和帝後竇后忌梁氏誅竦貴人亦被禍和帝立追上尊謚曰恭懷皇后 宋貴人扶風平陵人父楊永平末選入太子宮建初三年生清河王慶七年以竇后讒

自殺安帝建光元年追謚敬隱后

孝和皇帝名肇肅宗第四子章和二年卽位元興元年崩年二十七謚孝和 鄧皇后諱綏太傅禹之孫父訓母陰氏光烈皇后從弟女初以選入爲貴人陰后以巫蠱事廢正位中宮在位二十年年四十一謚和熹

孝殤皇帝名隆和帝少子元興元年十二月卽位延平元年崩年二歲謚孝殤

孝安皇帝名祐清河王慶子肅宗孫延平元年卽位

延光四年崩年三十二謚孝安 閼皇后諱姬河南  
滎陽人父暢謚文侯母滎陽君宗后元初元年立爲  
貴人二年立爲皇后在位十九年年四十五謚安思  
李皇后初以官人得幸生順帝爲安思所鳩帝卽  
位更以禮殯上尊謚曰恭愍皇后

敬宗孝順皇帝名保安帝之子延光四年卽位建康  
元年崩年三十謚孝順 梁皇后諱嬀大將軍商之  
女永建時爲貴人陽嘉元年立爲皇后在位十九年  
謚順烈

孝冲皇帝名炳順帝子建康元年八月卽位永嘉元年崩年三歲謚孝冲

孝質皇帝名纘渤海孝王子永嘉元年卽位本初元年爲梁冀所鳩年九歲謚孝質

孝桓皇帝名志蠡吾侯翼之子肅宗曾孫本初元年卽位永康元年十二月崩年三十六謚孝桓 梁皇

后諱女瑩順烈后之女弟在位十三年崩謚懿獻

竇皇后諱妙華大將軍武之女立爲后七年崩謚桓

思

孝靈皇帝名宏解犢亭侯長之子肅宗玄孫建寧元年卽位中平六年崩年三十四謚孝靈何皇后南陽宛人家本屠者以選入掖庭光和三年立爲皇后在位十年爲董卓酖弑謚靈思王皇后初爲美人生獻帝靈思酖殺之帝卽位追尊爲靈懷皇后

孝獻皇帝名協靈帝中子中平六年九月卽位魏青龍二年崩年五十四謚孝獻昭烈卽位於蜀傳言帝遇害謚孝愍曹皇后操之中女初拜爲貴人伏后遇弑遂爲皇后魏篡漢廢帝爲山陽公后爲山陽夫



人晉景初元年崩謚獻穆

少帝名辯靈帝子中平六年四月卽位建元光熹已改昭寧是年董卓廢爲弘農王獻帝初平元年復鴆殺之葬王於故中常侍趙忠成壙中謚懷

孝德皇名慶章帝子初封清河王謚孝安帝建光元年以所生父上尊號爲孝德皇 妣左氏爲孝德后孝穆皇名開章帝子初封河間王桓帝以所生祖上尊號爲孝穆皇 妣趙氏爲孝穆后

孝崇皇名翼桓帝之父初封蠡吾侯帝卽位追尊爲

孝崇皇 后氏爲孝崇皇后

孝仁皇名萇靈帝之父初封解縣亭侯帝卽位追尊爲孝仁皇 后董氏爲孝仁皇后

范曄論曰西漢世皇后無謚皆因帝謚以爲稱雖呂氏專政上官臨制亦無殊號中興明帝始建光烈之稱其後並以爲配至於賢愚優劣混同一貫故馬竇二后俱稱德焉其餘皇帝之庶母及藩王承統以追尊之重特爲其號如恭懷孝崇之比是也初平中蔡邕始追正和熹之謚其安思順烈以

下皆因而加焉

東漢宗室謚

趙王良字次伯光武叔父建武十七年謚孝

良子栩謚節

栩子商謚頃

商子宏謚靖

宏子乾謚惠

乾子豫謚懷

豫子赦謚獻

春陵侯敞光武叔父建武二年追謚康

敞子城陽王祉字巨伯建武十一年謚恭

安成侯賜字子琴光武族兄建武二十八年謚孝

順陽侯嘉字孝孫光武族兄父憲敞同產弟建武十  
五年謚懷

成武侯順字平仲光武族兄父慶敞同產弟建武十  
一年謚孝

齊王縝字伯升光武兄建武十五年追謚武

縝子章謚哀

章子石謚殤

石之孫無忌謚惠

無忌子喜謚頃

續子北海王興出後魯哀王仲顯宗時謚靖

興子睦謚敬

睦子基謚哀

睦孫普謚頃

普子翼謚恭

翼子謚康 史失其名

魯王仲光武次兄建武十五年追謚哀

東海王彊光武子永平元年謚恭

彊子政謚靖

政子肅謚頃

肅子臻謚孝

臻子祗謚懿

沛王輔光武子顯宗時謚獻

輔子定謚釐

定子正謚節

正子廣謚孝

廣子榮謚幽

榮子琮謚孝

琮子曜謚共

楚王英光武子以謀反自殺章帝元和三年追謚厲

濟南王康光武子謚安

康子錯謚簡

錯子香謚孝

錯子阜陽侯顯謚釐

顯子廣謚悼

東平王蒼光武子永平八年謚憲

蒼子忠謚懷

忠子敞謚孝

敞子端謚頃

蒼子任城王尚謚孝

尚子安謚貞

安子崇謚節

阜陵王延光武子謚質



延子冲謚殤

冲兄魴謚頃

魴子恢謚懷

恢子代謚節

代兄勃道亭侯便親謚恭

便親子統謚孝

廣陵王荆光武子顯宗時謚思

臨淮公衡光武子謚懷

中山王焉光武子永元二年謚簡

焉子憲謚夷

憲子弘謚孝

弘子暢謚穆

暢子稚謚節

琅邪王京光武子謚孝

京子宇謚夷

宇子壽謚恭

壽子尊謚貞

尊子據謚安

謝安謚順

千乘王建明帝子永平四年謚哀

陳王羨明帝子謚敬

羨子鈞謚思

鈞子竦謚懷

羨子崇以安壽亭侯紹謚頃

崇子承謚孝

承子寵謚愍

彭城王恭明帝子謚靖

恭子道謚考

道子定謚頃

定子和謚孝

樂城王黨明帝子謚靖

黨子崇謚哀

崇兄巡以脩侯嗣謚釐

巡子賓謚隱

安平王得以河間孝王開子立爲樂誠靖王後改國

曰安平謚孝

下邳王衍明帝子謚惠

衍子成謚貞

成子意謚愍

意子宜謚哀

梁王暢明帝子謚節

暢子堅謚恭

堅子匡謚懷

匡弟成以孝陽亭侯封梁王謚夷

成子元謚敬

常山王章明帝子以防子侯改封謚靖

章子儀謚頃

儀子豹謚節

淮陽王昺明帝子謚頃

昺子側謚殤

濟陰王長明帝子謚悼

千乘王伉章帝子謚貞

伉子樂安王寵謚夷

寵子勃海王鴻謚孝

寵子延平出後清河王謚恭

平春王金章帝子建初四年謚悼

清河王虎威章帝孫慶之子謚愍

甘陵王理以安平孝王子立爲孝德皇后謚威

理子定謚貞

定子忠謚獻

濟北王壽章帝子謚惠

壽子登謚節

登子多謚哀

多嗣子安國以戰鄉侯立爲濟北王謚釐  
安國子次謚孝

河間王政章帝孫開之子謚惠

政子建謚貞

建子利謚安

城陽王淑章帝子永元五年謚懷

廣宗王萬歲章帝子永元二年謚殤

平原王勝和帝長子謚懷

嗣子得本樂安夷王寵子謚哀



驃騎將軍慎侯隆字元伯父禮隆以光武中元二年卒謚靖

東漢公主謚

新野長公主元光武姊適鄧晨齊武王縝初起兵與莽將梁丘賜戰敗公主亦遇害建武二年謚節義平陽公主明帝女適馮順謚昭文

東漢諸臣謚

積弩將軍昆陽侯傅俊字子衛潁川襄城人

武七年謚威

壽張侯樊重字君雲湖陽人光武外祖建武八年謚敬

重子宏字靡卿建武二十七年謚恭

宏子長水校尉燕侯儵字長魚永平十年謚哀

宣恩侯陰陸南陽新野人光武后父先爲盜所殺建武九年追謚哀

陸之子宣義侯欣與父同被劫建武九年追謚恭

征虜將軍潁陽侯祭遵字弟遜潁陽人建武九年謚

成

征西大將軍陽夏侯馮異字公孫潁川父城人建武  
十年謚節

衛尉安成侯鮑期字次况潁川郊人建武十年謚忠  
贈中郎將征羌侯來歙字君叔新野人建武十一年  
謚節

征南大將軍舞陽侯岑彭字君然南陽棘陽人建武  
十一年謚壯

橫野大將軍山桑侯王常字顏卿潁川武陽人建武  
十二年謚節

執金吾雍奴侯冠恂字子翼上谷昌平人建武十二年謚威

牟平侯耿况字俠游茂陵人建武十二年謚烈

况子建威大將軍好時候弇字昭伯永平元年謚愍  
弇子光祿勳美陽侯秉和帝永元三年謚桓

東郡太守東光侯耿純字伯山鉅鹿宋子人建武十  
三年謚成

大司徒追封則鄉侯侯霸字君房河內人建武十三  
年謚哀

大司空固始侯李通字次元宛人建武十八年謚恭  
大司馬廣平侯吳漢字子顏南陽宛人建武二十年  
謚忠

汝南太守西華侯鄧晨字偉卿新野人光武姊夫建  
武二十五年謚惠

贈安陽侯郭昌真定藁人光武后父建武二十六年  
追謚思

昌子特進陽安侯況永平二年謚節

執金吾特進膠東侯重復字君文南陽冠軍人建武

三十一年謚剛

大司空富平侯張純字伯仁京兆杜陵人光武中元  
元年謚節

太傅高密侯鄧禹字仲華新野人明帝永平元年謚  
元

禹第六子護羌校尉追封平壽侯訓字平叔和帝元  
興元年以后父故追謚敬

禹孫太僕位特進夷安侯康順帝陽嘉三年謚義  
城門校尉朗陵侯臧宮字君翁潁川郟人永平元年

謚愍

原鹿侯陰識字次伯光武后前母兄永平二年謚貞  
大司空衛尉安豐侯竇融字周公扶風平陵人永平  
五年謚戴

伏波將軍新息侯馬援字文淵扶風茂陵人章帝建  
初三年追謚忠武

援子順陽侯廖字敬平和帝永元四年謚哀

太傅錄尚書事節鄉侯趙熹字伯陽宛人建初五年

謚正

關內侯陰興字君陵卽識弟建初五年追謚翼  
追封安成侯竇勲平陵人章帝后父建初七年追謚  
思

衛尉顯親侯竇固字孟孫融弟友之子章帝章和二  
年謚文

褒親侯梁竦安定烏氏人和帝外祖父和帝永元九  
年追謚愍

竦孫大將軍乘氏侯商順帝后父順帝永和六年謚  
忠



議郎追封當陽侯宋楊章帝貴人父安帝時追謚穆  
北宜春侯閭暢滎陽人安帝后父和帝元初四年謚  
文

廷尉定潁侯郭鎮字桓鍾陽翟人順帝時追謚昭武  
鎮子賀順帝時謚成

司空贈車騎將軍祁鄉侯黃瓊字世英安陸人桓帝  
延熹七年謚忠

長樂少府衛尉尉亭侯趙典字仲經蜀郡成都人桓  
帝時謚獻

太尉安國亭侯袁湯字仲河安之孫汝陽人桓帝時  
謚康

湯子執金吾安國亭侯逢字周陽靈帝時謚宣文  
太傅安樂鄉侯胡廣字伯始南郡華容人靈帝熹平  
元年謚文恭

舞陽侯何真宛人靈帝后父光和四年追謚宣德  
太傅司徒臨晉侯楊賜字伯獻華陰人中平二年謚  
文烈

光祿勳遂鄉侯劉寬字文饒華陰人中平三年謚昭

烈

漢陽太守傅燮字南容北地靈州人中平四年與金城賊戰歿謚壯節

青冀二州刺史潁陽侯史崇杜陵人謚壯 失謚年

蜀漢帝后謚

昭烈皇帝名備字玄德涿郡涿縣人以建安二十五年卽位於蜀章武三年崩年六十三謚昭烈 甘皇后沛人以太后卽位先卒初追謚皇思夫人後丞相亮議上尊謚曰昭烈皇后

丞相亮與太常賴恭等上謚議曰春秋之義母以  
子貴昔高帝追尊太上昭靈夫人爲昭靈皇后孝  
和皇帝改葬其母梁貴人尊號曰恭懷皇后孝愍  
皇帝亦改葬其母王夫人曰靈懷皇后今皇思夫  
人宜有尊號以慰寒泉之思按謚法宜曰昭烈皇  
后與大行皇帝合葬制可

後帝名禪字公嗣昭烈子章武三年卽位炎興冬降  
於魏封爲安樂公太始七年薨謚思 張皇后謚敬

蜀漢宗室謚

安平王理字奉孝昭烈子延熙七年謚悼

理子胤延熙十九年謚哀

胤子承延熙二十年謚殤

蜀漢臣謚

尚書令護軍將軍法正字孝直扶風郿人建安二十  
五年謚翼

丞相武鄉侯諸葛亮字孔明琅琊陽都人後主建興  
十二年謚忠武

盪寇將軍都督荊州事漢壽亭侯關羽字雲長河東

解人後主時追謚壯繆

車騎將軍司隸校尉新亭侯張飛字翼德涿郡人後主時追謚桓

驃騎將軍涼州牧葭鄉侯馬超字孟起右扶風茂陵人後主時追謚威

後將軍關內侯黃忠字漢升南陽人建安二十五年卒後主時追謚剛

鎮軍將軍永昌亭侯趙雲字子龍真定人後主時追謚順平

史臣曰先主時惟法正得謚後主時諸葛亮功德  
蓋世蔣琬費禕荷國之重亦見謚陳祗寵待特加  
殊獎夏侯霸遠來歸國故復得謚於是關羽張飛  
馬超龐統及雲乃追謚時論以爲榮

中郎將關內侯龐統字士元襄陽人後主時追謚靖  
侍中守尚書令鎮軍大將軍陳祗謚忠

車騎將軍儀同三司黃權字公衡閬中人延熙三年  
謚景

大將軍錄尚書事安陽亭侯蔣琬字公琰湘鄉人建

興九年謚恭

人將軍錄尚書事成鄉侯費禕字文偉郿人延熙十  
一年謚敬

魏帝后謚

大皇帝本姓夏侯名嵩沛國譙人後漢太尉大長秋  
曹騰養爲子因姓曹氏文帝受禪尊曰大皇帝

太祖武皇帝名操字孟德嵩子膺天子以令天下三  
十年薨謚武王丕篡位尊爲帝 卞皇后琅琊開陽  
人本倡家初納爲妾建安初丁夫人廢遂爲繼室不



踐祚尊曰皇太后太和四年殂謚武宣

文帝名丕字子桓武帝太子以漢延康元年篡位黃初七年崩年四十六謚文 甄皇后中山無極人先爲袁熙妻熙敗丕遂納之生明帝後以失意有怨言賜死明帝卽位上尊謚曰文昭 郭皇后安平廣宗人字女玉永之女黃初三年立爲后青龍三年爲明帝逼死謚文德

明帝名叡字元仲文帝太子黃初七年卽位景初三年崩謚明 毛皇后河內人嘉之女初以選入東宮

太和元年立爲皇后景初元年賜死謚悼 郭皇后  
西平人黃初中后父滿以本郡反因没入宮後見幸  
立爲皇后景元四年崩謚明元

魏主叡景初元年有司奏以武帝爲太祖文帝爲  
高祖今上爲烈祖萬世不毀詔從之孫盛斷曰夫  
謚以表行廟以存容未有當年而遂制祖宗未終  
而豫自尊君魏之羣司於是乎失正矣

齊王名芳字蘭卿明帝養子莫知其所由來景初三  
年卽位嘉平六年大將軍司馬師廢爲齊王晉有天

下改爲邵陵公太始十年薨謚厲

陳留王名奐武帝孫燕王字子甘露四年卽位咸熙

二年禪於晉封爲陳留王太安元年薨謚元皇帝

魏宗室謚

陳侯熾操從父謚穆

熾子仁字子孝文帝黃初四年謚忠

仁弟高陵侯純文帝卽位追謚威

都陽侯洪字子廉操從弟明帝太和六年謚恭

長平侯休字文烈操族子太和二年謚壯

東鄉侯真字子丹操族子明帝時謚元  
任城王彰字子文操子黃初四年謚威

陳王植字子建操子太和六年謚思

蕭王熊操子黃初二年追謚懷

熊子炳青龍六年謚哀

豐王昂字子修操子黃初二年追謚悼太和三年更

謚愍

昂子琬本樊安公均之子謚恭

相王繇操子早薨太和三年追謚殤

錄子潛謚愍

潛子偃青龍四年謚懷

鄧王冲字倉舒操子黃初二年追謚哀

沛王林操子魏末謚穆

中山王褒操子王極賢青龍二年謚恭

濟陽王玠操子太和四年追謚懷

玠子西鄉侯贊本沛王林子以後濟陽王太和六年

追謚哀

贊弟濟陽公壹謚悼

陳留王峻字子安操子甘露四年謚恭

范陽王矩操子黃初三年追謚閔

矩子琅邪王敏本樊安公均子以後閔王咸熙時謚  
原

臨邑公子上操子太和五年追謚殤

剛公子勤操子早卒太和五年追謚殤

穀城公子乘操子早薨太和五年追謚殤

郿公子整操子奉從叔父紹後黃初二年謚戴

整子成武公本彭城王據子以後戴公青龍三年謚

悼

靈公子京操子早薨太和五年追謚殤

樊公均操子奉叔父薊恭公彬後黃初二年謚安

均子屯留公抗景初元年謚定

廣宗公子棘操子早卒太和五年追謚殤

東平王徽操子奉叔父朗陵哀侯玉後正始三年謚

靈

贊王協文帝子太和五年追封謚曰經殤公青龍二

年更謚哀

協子尋正始九年謚殤

北海王蕤文帝子青龍元年謚悼

東武陽王鑒文帝子黃初六年薨青龍三年謚懷

東海王霖文帝子嘉平元年謚定

元城王禮文帝子太和三年謚哀

鄆王邕文帝子太和三年謚懷

清河王貢文帝子黃初四年謚悼

廣平王儼文帝子黃初四年謚哀

安平王殷明帝子太和六年謚哀



薊公彬卽樊安公均所後父謚恭

朗陵侯玉卽東平靈王所後父謚哀

魏公主謚

平原公主淑明帝女謚懿

魏諸臣謚

萬歲亭侯荀彧字文若潁陰人建安十七年謚敬

彧漢帝謚也兩入魏者何以素爲操謀君子曰

亦操之人耳

中領軍贈驃騎將軍荀彧孫謚貞

尚書令陵壽亭侯荀攸字公達或從子齊王芳正始  
中追謚敬

右將軍廣昌亭侯樂進字文謙衛國人建安二十三  
年謚威

揚州刺史贈衛尉樂琳進子諸葛誕反襲殺之謚愍  
將軍高安鄉侯夏侯惇字元讓沛國譙人建安二  
十四年操謚爲忠

征西將軍博昌亭侯夏侯淵字妙才惇族弟建安二  
十四年操謚爲愍

征南大將軍昌陵鄉侯夏侯尚字伯仁淵從子文帝  
黃初三年謚悼

司空軍祭酒沔陽侯郭嘉字奉孝陽翟人建安時操  
表謚貞

鎮南將軍閬中侯張魯字公祺豐人建安末操謚爲  
原

破羌將軍宣威侯張繡武威祖厲人建安末操謚爲  
定

太尉魏壽鄉侯賈詡字文和姑臧人文帝踐祚初謚

肅

少傅成陽亭侯何夔字叔龍陽夏人文帝踐祚初謚靖

車騎將軍安鄉侯程昱字仲德東阿人文帝黃初初謚肅

尚書僕射贈太僕豐樂亭侯杜畿字伯侯杜陵人黃初初謚戴

前將軍晉陽侯張遼字文遠馬邑人黃初二年謚剛  
護羌校尉都亭侯蘇則字文師武功人黃初四年謚

剛

破虜將軍都亭侯李典字曼成鉅野人文帝初追謚  
愍

征南將軍都亭侯李通字文達平春人文帝初謚剛  
尚書陽吉亭侯衛覲字伯儒安邑人黃初時謚敬  
後將軍新野侯文聘字仲業宛人文帝時謚壯  
尚書令安樂鄉侯桓階字伯緒臨湘人文帝時謚貞  
安樂太守桓嘉階子與吳戰於東關敗沒謚壯

典農中郎將長水校尉都亭侯任峻字伯達中牟人

文帝時追謚成

正義將軍關門亭侯龐德字令明南安狄道人不屈  
於關羽而死謚壯

安遠將軍益壽亭侯于禁字文則鉅平人文帝時謚  
厲

追封魏昌侯甄逸中山無極人文帝后父明帝太和

元年追謚敬

魏昌侯甄嚴后兄明帝青龍二年追謚穆

魏昌侯甄像逸孫青龍三年謚貞

贈車騎將軍魏昌侯甄暢像之子芳嘉平三年謚恭  
右將軍平陽侯徐晃字公明河東楊人太和元年謚  
壯

司徒蘭陵侯王朗字景興東海郟人太和二年謚成  
贈衛將軍蘭陵侯王肅字子雍朗子高貴鄉公髦甘  
露元年謚景

建威將軍陽里亭侯賈逵字良道襄陵人太和二年  
謚肅

執金吾位特進都亭侯臧霸字宣高泰山華大明帝

初謚威

青州刺史少府臧艾霸子謚恭 謚時未詳

開陽侯卞廣瑯琊開陽人太祖后祖父太和四年追謚恭

開陽侯卞遠廣之子太和四年謚敬

安陽鄉侯郭永廣宗人文帝后父太和四年謚敬

追封梁里亭侯郭浮永子明帝青龍四年追謚戴

追封武城亭侯郭都永子青龍四年追謚孝

追封新樂亭侯郭成永子青龍四年追謚定



侍中吳質字季重濟陰人太和四年卒以怙威肆行  
謚醜子應訟枉至正元中改謚威

傅平侯華歆字子魚高唐人太和五年謚敬

大中大夫東亭侯劉曄字子陽成德人太和六年謚  
景

司徒樂平侯董昭字公仁定陶人太和六年謚定  
衛尉廣平亭侯辛毗字佐治陽翟人明帝青龍二年  
謚肅

贈光祿大夫安國侯毛嘉河內人明帝后父青龍三

年謚節

侍中光祿大夫左僕射贈車騎將軍陽亭侯徐宣字  
寶堅海西人青龍四年謚貞

司空錄尚書事潁陰侯陳羣字長文許昌人青龍四  
年謚靖

尚書左僕射贈司空潁陰侯陳泰字玄伯東陽人謚  
穆

侍中光祿大夫司徒東鄉侯陳矯字季弼泰子明帝  
景初元年謚貞

司徒直城亭侯韓暨字公至堵陽人景初二年謚恭  
京兆尹司馬防字建公河內溫人卽懿之父景初二  
年追封舞陽侯謚成

太傅定陵侯鍾繇字元常潁川長社人明帝時謚成  
荊州都督鍾毓字稚叔繇之子芳時謚惠

涼州刺史西鄉侯張既字德容高陵人明帝時追謚  
肅

左將軍鄭侯張郃字儁乂鄭人明帝時謚壯

武衛將軍萬歲亭侯許褚字仲康譙國譙人明帝時

謚壯

太常西陵鄉侯和洽字陽士西平人明帝時謚簡  
光祿大夫贈車騎將軍樂陽亭侯常林字伯槐河內  
溫人明帝時謚貞

大將軍軍師武平亭侯杜襲字子緒定陵人明帝時  
謚定

司空都鄉侯趙儼字伯然陽翟人明帝時謚穆

太尉昌陵侯進封都鄉侯蔣濟字子通平阿人齊王  
芳正始初謚景

太尉昌邑侯滿寵字伯陽昌邑人正始三年謚景

光祿大夫贈太常清陽亭侯裴潛字文行聞喜人正始五年謚貞

司徒安陽亭侯崔林字德儒東武城人正始五年謚孝

司空都亭侯徐邈字景山薊人芳嘉平元年謚穆  
征東將軍陵陽亭侯胡質字文德楚國壽春人嘉平二年謚貞

光祿大夫儀同三司西鄉侯劉放字子棄涿郡人嘉

平二年謚敬

司空大利亭侯孫禮字德達容城人嘉平二年謚景  
驃騎將軍特進陽亭侯孫資字彥龍太原人嘉平二年謚貞

贈征北將軍建成侯劉靖嘉平六年謚景

西都侯郭淮西平人明帝后父高貴鄉公髦正元初  
追謚定

司空陽鄉侯王觀字偉臺廩丘人正元初謚肅

車騎將軍儀同三司贈大將軍陽曲侯郭淮字伯濟

陽曲人正元二年謚貞

尚書僕射贈太常陽鄉侯傅嘏字蘭石北地宜陽人  
正元二年謚元

光祿大夫僕射高樂亭侯盧毓字子家涿郡涿人髦  
甘露二年謚成

司空京陵侯王昶字文舒晉陽人甘露四年謚穆

征東將軍贈司空長樂亭侯王基字伯興曲城人陳  
留王奐景元二年謚景

征虜將軍贈衛將軍州泰南陽人景元二年謚壯

太尉安國侯高柔字文惠圉人景元四年謚景

高唐亭侯朱靈字文傳清河人謚威

司徒贈太尉長垣侯衛臻字公振襄邑人謚敬

二人謚時未詳

吳帝后太子親王謚

武烈皇帝名堅字文臺吳郡富春人孫武之裔漢初

五年爲黃祖軍士射死權稱尊號追謚爲武烈皇

帝

大皇帝名權字仲謀堅次子黃武元年稱尊號神鳳



二年薨年七十一謚大 王夫人生和和生皓皓立  
追謚大懿皇后 又王夫人生休休卽位追謚敬懷  
皇后

景皇帝名休字子烈權第六子初封瑯琊王太平二  
年會稽王亮廢迎卽位永安七年薨年三十謚景  
大帝太子登字子高赤烏四年謚宣

大帝太子和字子孝歸命侯卽位之元年追謚文皇  
帝後又謚昭獻皇帝 養母何姬謚昭獻皇后

長沙王策字伯符堅長子建安五年爲故吳郡太守

許貢客所殺權稱尊號追謚桓

吳臣謚

輔吳將軍婁侯張昭字子布彭城人大帝嘉禾五年謚文

奮威將軍都鄉侯張承字仲嗣昭子赤烏七年謚定  
丞相醴陵侯顧雍字元歎吳郡人赤烏六年謚肅  
丞相江陵侯陸遜字伯言吳郡人景帝時追謚昭  
晉帝后太子太孫謚

宣皇帝名懿字仲達河內溫人仕魏爲相國封安平

郡公以嘉平三年薨謚文貞後改謚文宣晉國初建  
追尊爲宣王武帝受禪尊爲宣皇帝 張皇后名春  
華河內平臯人父汪母山司徒濤之從祖姑也后以  
魏正始八年薨咸熙元年追號宣穆妃武帝受禪追  
尊爲皇后

景皇帝名師字子元宣皇長子仕魏爲相國封長平  
鄉侯正元二年薨初謚武子昭以謚與二祖同表讓  
改謚忠武晉國旣建追尊曰景王武帝受禪上尊號  
曰景皇帝 夏侯皇后名徽字媛容沛國譙人父尚

母曹氏德陽鄉主后以魏氏之甥爲景皇所忌死於  
鳩泰始二年追謚景懷皇后 羊皇后名徽瑜泰山  
南城人父道母蔡氏邕之女咸寧四年崩謚景獻  
文皇帝名昭字子上景皇母弟仕魏爲相國封晉王  
咸熙二年薨謚文王武帝受禪追尊號曰文皇帝  
王皇后名元姬東海鄒人父肅母羊氏武帝受禪尊  
爲皇太后以泰始四年崩謚文明

武皇帝名炎字安世文皇長子咸熙二年立爲晉王  
太子其冬受魏禪太熙元年崩謚武 楊皇后名艷

字瓊芝弘農華陰人父文宗母趙氏后崩於泰始十  
年謚元 楊皇后名芷字季蘭小字男胤元皇后從  
妹後爲賈后所廢絕膳而崩永嘉元年追復尊號謚  
悼

孝惠皇帝名衷字正度武帝第二子光熙元年崩謚  
孝惠 后賈氏淫凶爲趙王倫所殺羊后沒於劉曜  
孝懷皇帝名熾字豐度武帝第二十五子以光熙元  
年冬卽位永嘉五年劉聰入寇蒙塵于平陽七年遇  
害謚孝懷

孝愍皇帝名鄴字彥旗武帝孫吳孝王晏之子建興四年蒙塵于平陽五年遇害謚孝愍

元皇帝名睿字景文宣帝曾孫琅邪恭王觀之子初以安東將軍假節鎮建鄴建武元年卽晉王位太興元年卽帝位永熙元年崩謚元 虞皇后名孟母濟陽外黃人父豫后以永嘉六年薨於琅邪王妃帝踐位追贈皇后謚敬 鄭后名阿春河南滎陽人父愷先適渤海田氏生一男而寡以建武元年納爲琅邪王夫人生悼王簡文簡文卽位未及追尊孝武述遵

先志上尊號曰簡文太后謚宣

明皇帝名紹字道畿元帝長子永熙元年卽位太寧三年崩謚明 庾皇后名文君潁川鄆陵人父琛蘇峻作逆后見逼奪以憂崩謚穆

成皇帝名衍字世根明帝長子太寧三年閏三月卽位咸康八年崩謚成 杜皇后名陵陽京兆人當陽侯預之曾孫咸康七年崩謚恭

康皇帝名岳字世同成帝母弟咸康八年六月卽位建元二年崩謚康 褚皇后名蒜子河南陽翟人父

哀后太元九年崩謚獻

穆皇帝名聃字彭子康帝子建元二年九月卽位升  
平五年崩謚穆 何皇后名法倪廬江潛人父準后  
永興三年崩謚章

哀皇帝名丕字千齡成帝長子升平五年五月卽位  
興寧二年崩謚哀 王皇后名穆之太原晉陽人司  
徒左長史濛之女興寧二年崩謚靖

廢帝名奕字延齡哀帝之母弟興寧三年二月以琅  
邪王卽帝位太和六年桓溫廢爲海西公太元十一



年薨 庾后名道憐潁川鄆陵人父冰后太和六年  
崩謚孝

簡文皇帝名昱字道萬元帝少子咸安元年冬十月  
卽位二年崩謚簡文 王皇后名簡姬太原晉陽人  
父遐后初爲會稽王妃以憂薨孝武卽位追謚順皇  
后 李后名陵容本出微賤孝武以所生尊爲皇太  
后隆安四年崩謚文

孝武皇帝名曜字昌明簡文帝第三子咸安二年卽  
位太元二十一年崩謚孝武 王皇后名法慧父蘊

后嗜酒嬌妬以太元五年崩謚定 陳后名歸女松  
滋尋人父廣以倡進仕至平昌太守后生安恭二帝  
太元十五年薨追尊爲皇太后謚德

安皇帝名德宗字德宗孝武長子太元二十一年卽  
位義熙十四年崩謚安 王皇后名神愛琅邪臨沂  
人父獻之母新安愍公主后義熙八年崩謚僖

恭皇帝名德文字德文安帝母弟義熙十四年卽位  
元熙二年禪位於宋宋永初二年裕遣人弑之謚恭  
褚皇后名靈媛河南陽翟人父爽后崩於宋元嘉

十三年謚思

惠帝太子適字熙祖爲賈庶人所殺永康元年賈庶人死追謚愍懷

太孫臧字敬文適子爲趙王倫所弑太安初追謚哀太孫尚字敬仁適子太安元年謚冲元帝琅瑯世

子未周而卒大司農表世子降君一等宜謚哀愍太常賀循曰謚者所以表行功之目也故古者未居成人之年及名位未備者皆不立謚是以周靈王太子聰哲明智年過成童亡猶無謚春秋諸侯卽位之年

稱君稱子而卒皆無謚名未成也惟晉之申生以仁孝遭命年邁成人晉人悼之故特爲謚諸國無例也乃至漢代殤冲二君皆已踰年方立謚按哀冲太孫各以幼齡立謚皆正名承重琅瑯世子雖正體乎上生而全貴適可明嫡統之義未足定爲謚之證也從之

晉宗室謚

安平王孚字叔達宣帝弟太始八年謚獻

孚子邕字子魁咸寧三年謚穆

邕弟義陽王望字子初太始七年謚成

望子河間王洪字孔業咸寧二年謚平

洪弟隨王整謚穆

整弟太原王輔太康五年謚成

輔弟下邳王晃字子明咸寧六年謚獻

晃弟太原王瓌字子泉太始十年謚烈

瓌弟高陽王珪字子璋太始十年謚元

珪嗣子高陽王緝咸寧四年謚哀

珪弟常山王衡字子平太始二年謚孝

衡弟沛王景字子文咸寧元年謚順

彭城王權字子興宣帝弟咸寧元年謚穆

權子植謚元

植子釋謚康

高密王泰字子舒權之弟永嘉三年謚文獻

泰第二子新蔡王騰字元邁出後叔父永嘉後謚武  
袁

騰子確字嗣安永嘉末謚壯

次子東海王越字元超爲石勒所害元帝時追謚

獻

泰第三子略字元簡永嘉三年謚孝

略嗣子俊字道度本彭城康王子謚恭

俊子純之謚敬

略兄模之子南陽王保字景度謚元

范陽王綏字子都權弟惠帝永興三年謚康

濟南王遂字子伯宣帝弟咸寧三年謚惠

譙王遜字子悌宣帝弟太始二年謚剛

遜子譙王隨謚定

遜次子承死於王敦之難謚閔

承子無忌字公壽永和六年謚烈

無忌子恬字元瑜太玄十五年謚敬

恬子尚之字伯道爲桓玄所害謚忠

任城王陵字子山宣帝弟咸寧五年謚景

陵子西河王斌字子政咸寧四年謚繆

琅邪王伉字子將宣帝子太康四年謚武

伉子覲字思祖元帝父永熙元年謚恭

伉次子武陵王澹字思弘永嘉末爲石勒所害謚莊



澹子喆字景林亦爲石勒所害謚哀

佃子淮陵王淮字思冲謚元

濯子融謚貞

扶風王駿字子臧宣帝子太康時謚武

駿子新野王歆字弘舒惠帝時謚壯

梁王彤字子徽永康二年謚孝 梁王卒博士蔡克

議謚曰彤位爲宰相責深任重屬尊親近且爲宗師  
朝所仰望下所具瞻而臨大節無不可奪之志當危  
事不能舍生取義此而不貶法將安施謹按不勤成

名曰靈彤見義不爲不可謂勤宜謚曰靈彤親黨訴  
枉臺乃下符曰賈氏專權趙王倫篡逆皆力制朝野  
彤勢不得去而責其不能引身去朝義何所據克重  
議曰彤爲宗臣而國亂不能匡主顛不能扶非所以  
爲相故春秋書華元樂舉謂之不臣且賈氏之酷烈  
不甚于呂后而王陵猶得杜門趙王倫之無道不甚  
于殷紂而微子猶得去之近者太尉陳準異姓之人  
加弟微有射鉤之隙亦能托疾辭位不涉僞朝何至  
于彤親倫之兄而獨不得去乎趙盾入諫不從出亡

不遠猶不免于責况彤不能去位北面事僞主乎宜如前議加其貶責以廣爲臣之節明事君之道於是朝廷從克議彤故吏復追訴不已乃改曰孝

彤嗣子禧本武陵王澹子没于石勒謚懷

禧子翹謚聲

彤嗣子悝本西陽王羨子早薨謚殤

汝南王亮字子翼宣帝子爲楚王瑋所害元康元年瑋殺追謚文成

亮子矩字延明與父同被害追謚懷

矩子汝南王祐字永猷成帝咸和元年謚威

祐子統成帝時謚恭

齊王攸字大猷文帝子太康四年謚獻

攸子罔字景治懷帝永嘉中追謚武閔

城陽王兆字千秋文帝子十歲卒太始初追謚哀

遼東王定國文帝子三歲卒咸寧初追謚悼惠

廣漢王廣德文帝子二歲卒咸寧初追謚殤

廣德嗣子贊字景期本齊獻王子太康元年謚冲

樂安王鑒字大明文帝子元康七年謚平

鑒子籍謚殤

毗陵王軌字正則武帝子年二歲卒武帝太康十年追謚悼

秦王東字弘度武帝子惠帝元康元年謚獻

東嗣子郁本淮南王允子與兄俱被害惠帝永寧二年追謚悼

城陽王景字景度武帝子出繼叔父城陽哀王兆泰始六年謚懷

東海王祗字敬度武帝子泰始九年薨年三歲謚冲

楚王瑋字彥度武帝第五子賈后以計殺之惠帝永寧元年謚隱

長沙王乂字士度武帝第六子永嘉中謚厲

始平王裕字淸度武帝子咸寧三年薨年七歲謚哀  
淮南王允字欽度武帝子爲趙王倫子虔所害永寧  
元年倫誅追謚忠壯

代王寅字宏度武帝子惠帝時謚哀

清河王遐字深度武帝子永康元年謚康

汝陰王謨字令度武帝子太康七年謚哀

吳王晏字平度武帝子洛京傾覆遇害愍帝卽位謚敬一謚孝

勃海王恢字思度武帝子太康五年薨年二歲謚殤琅邪王裒字道成元帝子建武元年謚孝

裒子安國太興元年謚哀

東海王冲字道讓元帝子出後東海王越子毗成帝咸康七年謚哀

武陵王晞字道叔元帝子出後武陵王詰孝武太元六年謚威

晞子遵字茂遠安帝義熙四年謚忠敬

遵子季度謚定

瑯琊王煥字耀祖元帝子出後恭王年二歲薨謚悼  
會稽世子道生字延長簡文子謚思

臨川王郁字深仁簡文子咸安時謚獻

會稽王道子字道子簡文子爲桓玄所害義熙初謚  
文孝

道子之子元顯爲桓玄所害義熙元年追謚忠

元顯嗣子脩之本臨川王寶子謚悼



晉公主謚

惠帝女賈后所生未適人謚哀獻

簡文帝女新安公主適王獻之謚愍

說法通考卷之四終